

- 2^b D ie alle gerne wolden sehen. R. 229, 36.
 D en strif. vñ dar vnder spehen.
 A n wed'rem teile. d'r sie belib mit heile.
D o sprach vz des kvniges schar. R. 230, 20.
 E iner der ein meister gar.
 V or in allen was erkant.
 Z v Nachor dv bist genant.
 B arlam. der vnwise.
 N ein ich sprach der grise.
 I ch binz endekliche. barlam d^s sinne.
 riche. Dv bist d'r vnser goter hat.
 G eswachtet vñ Josafat.
- 2^c D en sin ivnger verriet. R. 231, 21.
 V ñ der an dem chrvee verschief.
 A ls billich ein vnrehter man.
 N achor sach den meister an.
 V il lange daz er nine sprach.
 W an er in dazv dvhte ze schwach.
 D az er im des solde.
 A ntwürten oder wolde.
D o wanden sazestvnde
 D az niht da wider kvnde.
 N achor. alle des kvniges man.
 S i begvnden michel frevd' han.
- 2^d V il gar svnder alle were. R. 236, 27.
 N v reden kvnic von dem mere.
 V ñ von ander gots geschafft.
 V ñ sehen ob dechein div chraft.
 W erde fynden an in.
 D es ich doch vngewis bin.
 D az si zerehte sin genant.
 E in warer got vñ erkant.
S wer wænet daz der himel si. R. 236, 37.
 G ot dem wont vil nahe bi.
 E in tvmbez herz ein valscher wan.
 W an wir wol sehen vmbe gan.